

VRYP S

Weeklikse Nuusbrief van die NG Kerk Vrystaat



Jaar 11 - Uitgawe 18

Kontak ons: kerkinfo@ngkvs.co.za

30 Mei 2014

Beste Vrypossers

"... want God het sy liefde in ons harte uitgestort deur die Heilige Gees wat Hy aan ons gegee het." Rom 5:5

*Voor Christus die kerk die wêreld ingestuur het,
het Hy eers sy Gees na die kerk gestuur.
Dieselfde volgorde behoort vandag nog gevolg te word – John Stott*

'n Geseënde Pinkster word vir elke leser toegewens...

***Ons herinner almal dat die Sinodale Kantoor, môre 29 Mei 2014,
ter wille van Hemelvaart gesluit sal wees.***



1. BIDDAG VIR DIE EKOLOGIE - SONDAG 1 JUNIE 2014:

Leraars, neem asseblief kennis van hierdie gebedsgeleentheid vir

komende Sondag.

2.



KWARTAALBYEENKOMS: Die CAD Kroonstad het weer 'n kwartaalbyeenkoms op **Dinsdag 3 Junie 2014 om 18:00 te 19 Hoseasonstraat**. Soos altyd is almal welkom – hulle versoek hierdie keer dat elke besoeker iemand saambring wat nog nie met die CAD se werkinge bekend is nie. Saam wil hulle handevat en Kroonstad se gemeenskap help. Klik [hier](#) vir meer inligting oor CAD – vir enige navrae, skakel 083 951 5205.



3. **SOSATIEFEES:** Op **Vrydag 6 Junie 2014** vind hierdie prettige fees in Senekal plaas – klik [hier](#) vir 'n volledige pamflet met inligting.



4. **MIGHTY MEN KONFERENSIE IN SENTRAAL SUID-AFRIKA:** Kom “Groeï in die Gees” tydens Sentraal Suid-Afrika se *Mighty Men* Konferensie saam met Piet Jacobs en Danie van Wyk, met lof & aanbidding deur Frana Benade. Dit gebeur tydens die **naweek van 27 – 29 Junie 2014 by die Bundu Game Lodge in Welkom**. Koste is R50pp (hele naweek) en kaartjies is by *Artic* in Welkom en Bloemfontein beskikbaar. Oornag/kampering @ R100pp vir die naweek kan gereël word, kontak vir Garth Batteson by 082 576 6952, of besoek www.Mightymen.co.za, of ook hulle *Facebook*-blad by **MMCCentralSA**. Ander verblyf vir die naweek @ R400pp, alle etes ingesluit, is ook beskikbaar – almal is

verantwoordelik vir eie vervoer – hiervoor kan julle vir Charles by 083 305 876 skakel.

5.



50 DAE VAN HOOP VELDTOG: *HOOP wat groei en groei...* Het jy al gehoor van die groot opwinding oor die nuwe 50 dae van HOOP veldtog? Vele gemeentes regoor die land het reeds vir hierdie landswye veldtog ingeskryf wat op die 17de Augustus 2014 afskop. Die doel van dié veldtog is:

- Om die HOOP wat daar in Christus is weer te laat opvlam in 'n HOOP-LOSE wêreld.
- - Om leraars te help om Kleingroepe / Omgeegroepe / Selgroepe / Belangegroepes op te rig sodat gelowiges weer *koinonia* kan beleef soos in die eerste gemeentes.
- Om 'n 50-dae pakket teen kosprys beskikbaar te stel en vir leraars dit moontlik maak om 'n veldtog van HOOP in Christus te loods.
- Om dit missioneel op te stel sodat enige persoon te enige tyd, welkom sal wees om aan te sluit by enige groep wat die veldtog doen.
- Om die veldtog in Engels en Afrikaans beskikbaar te stel sodat verskeie denominasies dit saam in hul onderskeie dorpe en stede kan doen.

Klik asseblief [hier](#) vir meer inligting, kontakbesonderhede, ensovoorts.

6. **KERKBODE EN LiG:** Klik op voorblaaie van die huidige

KERKBODE en **LiG (Junie)** vir interessante en aktuele nuus:



7. 'N SPESIALE ANDREW MURRAY-TOEKENNING: Vanjaar is 'n spesiale Andrew Murray-toekenning aan Adri-Louise van Renen-Fourie, voorheen redakteur van *Kerkbode* en die Christelike gesinstydskrif *LiG*, toegeken. Sy was die eerste vroulike redakteur van *Kerkbode*, die oudste steeds bestaande Afrikaanse koerant in die land. Met dié toekenning word sy vereer vir haar buitengewone bydrae tot die Afrikaanse Christelike joernalistiek. Die oorhandiging het plaasgevind op Donderdagaand 22 Mei in Wellington. *(Dankie aan Vrydagnuus vir die inligting – namens al die Vrypos lesers, wens ons vir Adri-Louise van harte geluk met hierdie welverdiende toekenning en weet ook dat almal steeds vir jou volkome herstel bid).*

8. BEROEPENUUS: Ds Ignatius Rademeyer van die **NG Gemeente Steynsrus** het die beroep na die **NG Gemeente Meyerspark** (Oostelike Sinode) aangeneem – hy sal sy afskeidspreek op **Sondag 13 Julie 2014** lewer *(ons seënbede vergesel die Rademeyer-gesin – Red).*

9. VAKATURES: Vir die amptelike bekendmaking van **vakatures vir predikante** deur *Kerkbode*, gaan na www.kerkbode.co.za – klik dan op **Amptelik - Vakatures**.

10. LIEDBOEKE TE KOOP: Die **NG Gemeente Petrusburg** beskik

oor 50 standaard Liedboeke. Belangstellendes kan die kerkkantoor op woensdae tussen 08:00 en 13:00 skakel by 053 574 0279.

11. NB! HERHALINGS VAN BERIGTE: Kennisgewings en inligting wat in 'n vorige uitgawe van *Vrypos* verskyn het, word [hier](#) vir jou gerief herhaal - neem asseblief daarvan kennis!

Algemeen:

Skoolverlaterskamp gedurende wintervakansie

Dr Richard Blackaby besoek Bfn – 3 & 4 Sept

NB – Info oor Vroue- en Mannekamp 2015

Gemeentes bied aan:

Verskeie gemeentes se basaars, feeste, ens – 30 & 31 Mei

NG Langenhovenpark, Wildsfees: 6 Junie

NG Hugenoot, Kermis: 7 Junie

NG Bloemheuwel, verhoogproduksie, Voorskoot & Lipstiek: 21 Junie

NG Langenhovenpark, Sothoklasse vir Beginners: 5 Aug

Kursus / Opleiding:

Emmaus Sentrum, 1jr afstandsonderrig-kursus, “Nuwe Vennootskap tussen huis en kerk”: begin 1 Junie

12. VERJAARSDAE: Baie geluk aan die leraars en personeellid wat gedurende die volgende week hul verjaarsdae vier - mooi wense vir 'n geseënde



en vreugdevolle nuwe lewensjaar:

31 MEI:

Ds Piet Smit - BRANDFORT-OOS - 082 874 1588,

wilpiet@absamail.co.za

Ds Jac Pienaar - TAAIBOSSPRUIT - 016 972 2498, 061 417 7573,

jacpienaar1@gmail.com

3 JUNIE:

Mev Marinda Pienaar - SINODALE KERKKANTOOR - 051 406 6701

(k), marinda@ngkvs.co.za

Ds Bergh Müller - WILGEHOF - 051 525 2090, 076 816 3112,

bergh.werk@gmail.com

4 JUNIE:

Ds Johann Smit - BLOEMHEUWEL - 051 522 3106, 082 491 2157,


jas7@telkomsa.net

5 JUNIE:

Dr Bertus Celliers - RIETFONTEIN (WINBURG) - 051 881 0023, 082

784 9735, bertus9@mymtnmail.co.za

13. TEN SLOTTE: *Dalk het iemand een nodig...*



Groetnis tot volgende keer.

ANDRÉ ESTERHUIZEN

Voorsitter & Redakteur (fin@ngkvs.co.za)

Samesteller: Thea Bosman (kerkinfo@ngkvs.co.za)

namens Kommunikasie - NG Kerk Vrystaat

Tel: 051 406 6719 Faks: 086 502 0821

Gee gerus vir ons terugvoer oor *Vrypos* by kerkinfo@ngkvs.co.za



Om die rol van die CAD in praktiese terme uit te druk en om dit in aksies oor te skakel, het die organisasie tien nugterheidsriglyne daar gestel wat die basis vorm van die aksies en die strewe van die organisasie in woorde omsit. Die tien nugterheidsriglyne van die CAD berus op die uitgangspunt dat substansafhanklikheid identifiseerbaar en behandelbaar is. Verder, dat die beginpunt van hierdie proses die aanvaarding en erkenning van afhanklikheid deur die substansafhanklike is en sy of haar verbintenis tot 'n nugter lewensstyl. Die CAD aanvaar ook dat die substansafhanklike nie alleen oor die langtermyn nugter kan bly nie en dat ondersteuning deur medeafhanklikes noodsaaklik is. Dit moet beklemtoon word dat sonder hierdie aanvaarding, erkenning en verbintenis, daar geen wesenlike vordering kan wees tot die bereiking van 'n nugter lewensstyl deur die substansafhanklike nie. Terselfdertyd is die aanvaarding, erkenning en verbintenis tot hulpverlening deur die medeafhanklike, essensieel vir die bereiking van 'n nugter lewensstyl deur die substansafhanklike.

TERUG NA INHOUD

50 DAE VAN HOOP VELDTOG - *HOOP wat groei en groei...:*

Almal word vriendelik uitgenooi om saam hierdie veldtog te doen. Dit is die vierde veldtog wat in Mpumalanga ontwerp is deur ongeveer 20 leraars van verskillende kerke. Verlede jaar het meer as 120 gemeentes die veldtog, "Jesus sê wat?" saamgedoen.

Hulle bied die volgende:

1. 'n Handleiding vir Kleingroepe, wat dagstukkies insluit vir die 50-dae (koste sal bepaal word deur die hoeveelheid bestellings van gemeentes ontvang. Indien jy dit nie nou wil bestel nie, is die handleiding gratis in pdf-formaat beskikbaar). Kyk gerus na die voorbeeld van week 1 – klik [hier](#).
2. 'n DVD wat die Kleingroepbesprekings weekliks inlei @ R 55.00

- p/dvd. Dit help nuwe groepe om teologies na die tema te kyk.
3. 'n HOOP-EMBLEM-sleutelhouer (kwotasies word afgewag afhangende van hoeveelheid inskrywings wat ontvang word).
 4. 'n Plakkaat wat as advertensie kan dien (kwotasies word afgewag afhangende van hoeveelheid inskrywings wat ontvang word).

Die volgende is gratis beskikbaar:

- Preekriglyne wat pas by die week se Kleingroep-tema.
- Junior- en Senior Jeugmateriaal wat aansluit by die tema.
- Riglyne vir die saamstel van 'n VELDTOGSPAN.
- 'n Handleiding vir die Opleiding van Kleingroepleiers.
- 'n Temalied van Hoop wat groei en groei... – klik [hier](#) (die woorde van die lied kan ek vir jou e-pos by inskrywing.)

Die gemeente in Witrivier stel 'n pakket saam vir elkeen wat inskryf, insluitende:

- 'n Handleiding vir KLEINGROEPE met 50 dae se dagstukkies
- 'n Sleutelhouer met 'n HOOP-embleem
- 'n Spekboom potlantjie/of enige ander potplant boompie.
- Gemeentes kan ook 'n boom op die terrein of liturgiese ruimte plaas en die sewe momente van hoop van die sewe weke uitbeeld.

INSKRYWINGS: Daar is nog tyd tot Vrydag 20 Junie 2014 om jou inskrywing te rig aan kobie@whiteriverprinters.co.za en dsjurgens@telkomsa.net.

BESTELVORM:

Naam van Gemeente:

.....
...

Tel no:

.....

Faks no:

.....

Epos:

.....

Afleweringadres:

.....

Dui asb die hoeveelheid van die bestelling aan langs die items wat u graag wil bestel:

1. Handleiding vir kleingroepe:
2. DVD's:
3. HOOP- emblemsleutelhouer:
4. Plakkate:

Die Faktuur met die DRUKKERS se bankbesonderhede sal aangestuur word met jou bestelling. Rig ook enige navrae aan my by dsjurgens@telkomsa.net of kontak my telefonies.

Jesusliefde is ons strewel!

Ds Jurgens de Jager
079 292 9545 / 013 751 1824

HERHALINGS:

INHOUD

1. ALGEMEEN:

- **SKOOLVERLATERSKAMP:** Hierdie lewensverrykende motiveringskamp vir matrikulante vind in die **eerste week van die winter skoolvakansie (30 Junie – 4 Julie 2014)** by Udolfo-kampterrein naby Parys (in die Vrystaat)

plaas. Klik gerus op die volgende skakels vir meer [inligting, voorblad bl 1](#) en [inskrywings- en vrywaringsvorm bl 2](#).

- **BEKENDE SPREKER EN SKRYWER BESOEK**
BLOEMFONTEIN: Dr Richard Blackaby, bekende spreker en skrywer van die gewilde *Beleef God*-materiaal, **besoek** Suid-Afrika gedurende September 2014 en **spesifiek vir Bloemfontein op 3 en 4 September**. Richard is die president van *Blackaby Ministries International* en woon in Atlanta, Georgia. Sy besoek is daarop gerig om Besigheidspersone, Geestelike Leiers en huisgesinne aan te moedig om God te beleef en te ervaar en 'n verskil vir Jesus te maak. Moenie die geleentheid misloop nie – klik [hier](#) vir sy program in Bloemfontein. Vir meer inligting, kontak vir Charles James 082 322 5484, Jacques Killian 082 440 0795, Arno van Niekerk 084 208 6211, Carel vd Merwe 082 821 7600, of Nico Mostert 084 560 4671.

 - **BELANGRIKE INLIGTING – VROUELIDMATE, NG KERK VRYSTAAT:** Kommunikeer [asseblief al dié inligting aan u lidmate](#) (vroue en mans):
 - ✓ **VROUETOERUSTINGSKAMP - 13 TOT 15 FEBRUARIE 2015:** Maselspoort, met dr Pieter van Jaarsveld van Stellenbosch, as die gasspreker. **NB! Besprekings is reeds oop**, klik [hier](#) vir die inskrywingsvorm met al die inligting.
 - ✓ **MANNEKAMP - WYSIGING VERSKUIF NA 13 – 15 MAART 2015:** Maselspoort, met dr George Roux van Somerset-Wes, as gasspreker. **NB! Besprekings is reeds oop**, klik [hier](#) vir die inskrywingsvorm met al die inligting.
 - ✓ **SINODALE KONFERENSIE - 6 MEI 2015:** Pellissier Gemeente Bloemfontein, met prof Stephan Joubert as spreker.
- Let wel, daar word in 2015 geen Ringskonferensies**

aangebied nie. Vir enige navrae oor bogenoemde, kontak vir Joanie Theron op 051 406 6732 (k), of stuur 'n e-pos na gemeentes@ngkvs.co.za

2. GEMEENTES BIED AAN:

- **BASAARS, FEESTE & KERMISSE:** Die volgende geleenthede vind plaas:
 - ✓ **BASAAR NG VIRGINIA - Vroegoggend op Vrydag 30 Mei**
 - ✓ **BORRELFEEES NG KESTELL - Saterdag 31 Mei vanaf 08:00**
 - ✓ **BASAAR NG REDDERSBURG – Saterdag 31 Mei vanaf 09:00**
 - ✓ **KUIERFEEES ROOIKERK (NG UNIVERSITAS-WES) - Saterdag 31 Mei vanaf 09:00**
 - ✓ **SONSKYNKERMIS NG BRANDFORT - Saterdag 31 Mei vanaf 08:00**
 - ✓ **BASAAR NG WILGEHOF – Saterdag 31 Mei vanaf 10:00**
 - ✓ **BASAAR NG GARDENIAPARK – Saterdag vanaf 09:00**

- **WILDSFEES:** Die **NG Gemeente Langenhovenpark** hou weer hulle Wildsfees op **Vrydag 6 Junie 2014, vanaf 17:00 die middag**. Daar word hierdie jaar weer 'n potjiekoskompetisie gehou met groot pryse wat gewen kan word. Koste vir 'n wildspotjie is R120, ander potjies is R100 per pot. **Inskrywings kan by die kerkkantoor gedoen word vóór of op 2 Junie om 12:00**. Daar gaan ook wild-*steak* gebraai word @ R100 vir vier *steaks* - **kaartjies hiervoor moet asseblief by die kerkkantoor gekoop word**. Potjiekos, worsbroodjies, wildsvleis, biltong, droëwors en drinkgoed sal te koop aangebied word. Vir die jongklomp is daar 'n springkasteel en ook 'n piekniekgeleentheid vir die Gr 4- tot Gr 10 jeug. Besoek die kerkkantoor te h/v Boerneef en- Etienne le Rouxstraat, Langenhovenpark, Ma tot Vr vanaf 08:00 tot

12:00, of skakel 051 446 2225. Vir verdere navrae kan ds Hennie Pistorius op 076 176 4530 geskakel word.

- **KERMIS NG HUGENOOT** - Vind op **Saterdag 7 Junie 2014 vanaf 09:00 – 13:00 op die kerkerrein** plaas. Vir meer besonderhede kontak die kerkkantoor gedurende kantoorure (08:00-14:00) by 051 436 2659. *Uitstallers is welkom om @R100 per uitstalruimte, hul artikels te kom uitstal, net géén kos nie asseblief. Belangstellendes moet so gou moontlik vir Wilma von Wielligh op 084 507 3608 skakel om plek te bespreek.*
- **‘N LEKKER VERHOOGPRODUKSIE:** Die **NG Gemeente Bloemheuwel** (geleë te Haarburgersingel, Westdene), bring die vertoning, **VOORSKOOT & Lipstiek** na Bloemfontein op **Saterdag 21 Junie 2014 om 10:00**. Dié produksie met Marinda Engelbrecht van Kokkedoor 2013-faam en Herman Lensing (Sarie se kosredakteur), is deur die skreeusnaakse Marion Holm (Sussie) geskryf. Dit kom slegs vir die een vertoning Bloemfontein toe en is reeds hoog by die Universiteit van Stellenbosch se Woordfees aangeslaan en het ook vol sale by die KKNK getrek! Hierdie produksie betrek al die sintuie, jy hoor, sien en ruik hoe Elsa vir haar seun, wat van die stad af kom, ‘n feesmaal voorberei. Hoekom sou sy dit wou doen? Elsa sê egter later: “As jy nie respek het vir kos nie, kan jy ook nie respek vir jouself hê nie!” Almal, van jonk tot oud kan hierdie produksie kom geniet @ R110pp – vir kaartjies, kontak vir Marieta by die Kerkkantoor op 051 447 7468.
- **BEGINNERSKLASSE IN SESOTHO:** Die **NG Gemeente Langenhovenpark** bied wéér hulle gewilde kursus in Sesotho aan. Dié kursus strek oor 30 weke en totale koste beloop R2 000. Die **kursus begin DV Dinsdag 5 Augustus om 18:30** en vind in die Gemeentesentrum van die NG Kerk Langenhovenpark plaas (oorkant die kerkgebou). **Registreeer** asseblief **vóór of op Vrydag 1**

Augustus om 12:00 - telefonies by 051 446 2225 of per e-pos by ngklhp@mweb.co.za – klik [hier](#) vir 'n volledige inligtingstuk. 'n Nie-terugbetaalbare deposito van R750 is betaalbaar vóór, of op 4 Augustus 2014. **NB! Daar is slegs plek vir 25 studente.**

3. KURSUS / OPLEIDING:

- **SERTIFIKAATKURSUS - NUWE VENOOTSKAP TUSSEN HUIS & KERK:** Die **Emmaus Sentrum** vir Geloofsvorming bied weer **vanaf 1 Junie 2014 'n eenjaar-afstandsonderrigkursus** aan wat gemeentes kan help om 'n volhoubare Familiebedieningstrategie te implimenteer. Die kursusmateriaal en aanbiedinge geskied elektronies (in die vorm van twee e-boeke en DVD aanbiedinge wat studente vooraf op 'n geheuestokkie ontvang). Daar word vier opdragte gedurende die kursus ingehandig en besprekings geskied via *Facebook*. Die opdragte hou verband met die gemeente se bediening aan jeug en families en dien as die werksdokument wat na afloop van die kursus geïmplimenteer kan word. Dr Neil du Plessis van NG Weltevreden lei die kursus. Studente verdien 30 VBO punte met die voltooiing van die kursus. **Daar is slegs plek vir 30 studente.** Belangstellende predikante, jeugleiers en lidmate betrokke by Jeug- en familiebediening kan vir meer inligting op die volgende skakels klik, **webtuiste op <http://bit.ly/1l6wMJZ>** en vir **aanlyn advertensie op <http://bit.ly/1v8c1Tr>**

BESOEK VAN DR RICHARD BLACKABY:

PROGRAM:

WOENSDAG 3 SEPTEMBER 2014:

10:30 - 15:30 Byeenkoms vir Geestelike Leiers

Plek: NG Gemeente Pellissier Vlakfonteinlaan 6, Pellissier

Tema: *Spiritual Leadership*

Koste: R150pp

18:30 - 20:00 Aandbyeenkoms vir Gesinne

Plek: Bloemfontein Baptiste Kerk Van Blerkiaan 1, Spitskop
(Langenhovenpark)

Tema: *Experiencing God at home*

Toegang gratis

DONDERDAG 4 SEPTEMBER 2014:

7:30 - 9:00 Ontbyt vir Sakeleiers

Plek: Grey College (Grey Pavilion)

Tema: *God in the Marketplace*

Koste: R150pp

Kontakbesonderhede – sien by hoofberig.

BEGINNERSKLASSE SESOTHO - 2014/5:

Die tyd waarin ons leef noodsaak goeie kommunikasie. Dit geld nie net kommunikasie met gesinslede en geloofsgenote nie, maar veral ook met soveel as moontlik van ons medelandsburgers. Volgens statistieke is sowat 65% Vrystaters Sothosprekend – dit is bykans twee derdes! Dit maak dus sin om Sesotho aan te leer ten einde onderlinge begrip en 'n beter verstaan van mekaar te bewerkstellig. Hier volg bietjie meer inligting rakende die Sesothokursus vir beginners wat aangebied word by die NG Kerk Langenhovenpark:

1. DOELWIT:

Om binne die bestek van dertig lesings die grondslag te lê vir die voer van 'n eenvoudige gesprek in Sesotho. Die vorige kursusse, wat net 16 weke geduur het, is intussen uitgebrei. Dit beteken dat die tempo stadiger sal wees ter wille van die meer effektiewe aanleer van nuwe materiaal. Dit laat ook meer tyd vir gesprek, herhaling en addisionele leeswerk in Sesotho.

2. BELANGRIKE UITGANGSPUNTE:

2.1 Suiwer *motiewe* sal 'n aanwinst wees.

2.2 *Realistiese verwagtings*: om 'n taal aan te leer bly 'n groot uitdaging, maar is terselfdertyd 'n baie bevredigende ervaring.

- 2.3 *Commitment* en baie harde werk is onontbeerlik en sal ryklik beloon word!
- 2.4 *Klasbywoning* is van kardinale belang – ter wille van basiese grammatika en korrekte uitspraak van woorde.
- 2.5 Memorisering van *woordeskat*. Afgesien van die woorde in die voorgeskrewe literatuur, word nuwe woorde gereeld in die klas bygevoeg. Vra dus gerus vir woorde wat gereeld in jou leef- en werksomgewing gebruik word.
- 2.6 'n *Sesotho gespreksgenoot* is eweneens onontbeerlik! 'n CD, wat van die materiaal wat behandel word herhaal, is op aanvraag by die dosent beskikbaar.
- 2.7 Sekere Suid-Sothosprekers verkies dit om *Engels* eerder as Sesotho te gebruik tydens gesprekke en veral in die openbaar. Gebruik altyd goeie oordeel!
- 2.8 *Teorie en praktiese oefening* sal tydens die lesings aandag kry. Skaamte gaan jou punte kos...

3. LITERATUUR:

- 3.1 Du Plessis, JA, Gildenhuis, JG & Moiloa, JJ. s.a. Tweektalige Woordeboek: Afrikaans – Suid-Sotho. Kaapstad: Via Afrika Bpk.
- 3.2 Emslie, CF 1984. *Tharollo ya Leleme la Sesotho*. Bloemfontein: PJ de Villiers Uitgewers (hierdie is die materiaal wat in die klas gebruik gaan word en 'n kopie van die relevante dele van die boek sal aan elke student verskaf word tydens registrasie op die eerste aand van die kursus. Die koste hiervan is reeds ingesluit by die prys).
- 3.3 Kok, CR & Botha, LC. 1992. *Suid Sotho: Afrikaans Skoolwoordeboek*. Bloemfontein: Pro Christo Publikasies.
- 3.4 Moiloa, JJ & Emslie CF, 1987. *Nuttige Sesotho*. Goodwood: NASOU Bpk.
- 3.5 Mokoena, Aubrey D. 2007 (3e druk). *Sesotho made easy. A step by step guide*. Pretoria: JL van Schaik.
- 3.6 Daar is ook hulpmiddele beskikbaar op die Internet byvoorbeeld Sesotho Online: <http://www.sesotho.org/>
- 3.7 ***Indien u enige van dié literatuur beskikbaar het, bring dit gerus saam na die lesings toe, maar, wag tot na die eerste lesing voordat u enige aankope doen.***

4. ALGEMENE OPMERKINGS:

- 4.1 'n Volledige kursushandleiding, wat al die lesingmateriaal bevat, sal tydens die eerste lesing aan elke student beskikbaar gestel word.
- 4.2 Teorie, praktiese oefeninge en tuiswerk vorm die basis van die kursus.
- 4.3 Weeklikse evaluering vind plaas.
- 4.4 Akademiese instellings soos die UV bied ook die vak aan.
- 4.5 Registreer asseblief by die kerkkantoor per telefoon by 051 446 2225 of per e-pos by ngklhp@mweb.co.za.
Registrasie sluit op 1 Augustus om 12:00.
- 4.6 Die totale koste beloop R2000. 'n Nie-terugbetaalbare deposito van R750 is betaalbaar vóór of op 4 Augustus 2014 om 12:00.
- 4.7 Die lesings vind normaalweg plaas op Dinsdae 18:30 - 20:00 in die Gemeentesentrum van die NG Kerk Langenhovenpark (in die Kleinkerk). Sien die program in die kursushandleiding vir meer besonderhede.

5. ANDER BENODIGDHEDE:

'n Pen en skryfpapier.

Ek hoop jy geniet die kursus so baie soos ek en ontwikkel ook 'n voorliefde vir hierdie wonderlike taal!

Riaan Stander

Tel: 051 446 1131

Sel: 082 665 8478

E-pos: myposduif@telkomsa.net

Lig in die duisternis, hier vir God, mekaar en die wêreld